

GRUPA POSLANIKA PD PSBIH

Datum: 28.05.2018. godine

Broj:

 **BOSNA I HERCEGOVINA**
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 29-05-2018			
Organizaciona jedinica	Klasifikaciona oznaka	Redni broj	Broj priloga
01	28	13.00	18

1100

PREDSTAVNIČKI DOM PARLAMENTARNE SKUPŠTINE BIH
n/r predsjedavajućeg gosp. Mladena Bosića

Predmet: Preporuke

Dostavljamo Vam u skladu sa članom 165. Poslovnika Predstavničkog Doma

PREPORUKE
ZA REFORMU ENERGETSKOG SEKTORA

te molimo da se u najbržem postupku razmatraju na sjednici Doma.

S poštovanjem,

Poslanici:

Momčilo Novaković

Hanka Vajzović

Saša Magazinović

Predrag Kožul

Mirsad Isaković

Lazar Prodanović

Jasmin Emrić

Imajući u vidu, prije svega, obaveze koje je BiH preuzela prema međunarodnim institucijama, ali i zastoje u reformi energetskega sektora u BiH,

Cijeneći neophodnost snažnijeg učešća Parlamenta u ovoj oblasti,

Uzimajući u obzir tekst deklaracije i aneksa sa samita EU i zemalja zapadnog Balkana u Sofiji,

Stavljajući u kontekst rezultate energetskega samita u Neumu,

Vodeći računa o ustavnim nadležnostima i postojećem zakonskom okviru,

Poštujući ranije iskazanu opredijeljenost za pristupanje Evropskoj Uniji

Predstavnički Dom PS BiH je na svojoj 62. sjednici donio

PREPORUKE ZA REFORMU ENERGETSKOG SEKTORA

- 1. Ministarstvo spoljne trgovine i ekonomskih odnosa će po izjašnjenju entitetskih Vlada Savjetu ministara predložiti na usvajanje okvirnu energetska strategiju za BiH.
Nakon usvajanja, pristupiće se izradi plana i programa energetske tranzicije.**

Obrazloženje: U proteklom periodu je primjetan zastoj reforme energetskega sektora u BiH što je posebno vidljivo iz izvještaja Energetske zajednice. BiH je preuzela određene obaveze prema međunarodnim ugovorima i institucijama, što nužno zahtjeva i nastavak reformi. Nastavak reformi je neophodna i zbog usklađivanja legislative i regulative sa trećim energetska paketom. Da bi se postojeće nepovoljno stanje promijenilo, a time i iskoristili i ogromni potencijali koje imamo, nužno je usvojiti navedene strateške dokumente, te implementirati postojeće akcione planove. Okvirna energetska strategija omogućava deblokadu IPA fondova čime se obezbjeđuju grantovi za EU tehničke asistencije u energetska sektor.

- 2. Opredijeliti se za energetska efikasnost kao ključni element energetske tranzicije i odrediti ulogu regulatornih tijela u implementaciji ove politike.**

Obrazloženje: Energetska efikasnost je veliki potencijal za štednju energije i unapređenje efikasnosti ekonomije. Ona predstavlja sveobuhvatnu korist jer smanjuje potrošnju energenata te time oslobađa finansijska sredstva za ulaganje u druge potrebe. U isto vrijeme stvara se tržište za domaća mala i srednja preduzeća koja proizvode materijale i opremu za energetska efikasnost i pružaju usluge u ovoj

oblasti. Da bi se stavila energetska efikasnost na prvo mjesto potrebno je uključivanje regulatornih komisija za energiju u ovu oblast, odnosno, neophodno je donijeti nova zakonska rješenja kojima bi regulatorne komisije dobile nadležnost u oblasti energetske efikasnosti.

3. Ubrzati reformu energetskog sektora donošenjem nedostajućih zakonskih i podzakonskih akata potrebnih za ispunjavanje zahtjeva Energetske zajednice i pristupanje EU.

Obrazloženje: BiH je preuzela obaveze prema međunarodnim ugovorima i institucijama te je nužno nastaviti reformu zbog usklađivanja legislative i regulative sa Trećim energetske paketa a reforma sektora je obaveza koju moramo ispuniti na putu ka EU Integracijama. Rezultat reforme sektora biće unapređenje efikasnosti i ekonomičnosti rada kompanija u ovom sektoru a sam sektor će se bolje pozicionirati u regionu ukoliko se reformom omogući uspostavljanje efikasnog i transparentnog tržišta energenata.

4. Implementirati preporuke za unapređenje procesa izdavanja dozvola za gradnju novih energetskih objekata.

Obrazloženje: Prema izvještaju Svjetske banke BiH je na 166. mjestu od 190 ekonomija svijeta po jednostavnosti dobijanja dozvola. Radne grupe formirane na svim nivoima vlasti su nakon trogodišnjih aktivnosti identifikovale preko stotinu preporuka za unapređenje procesa za izdavanje dozvola. Ukoliko se ove preporuke implementiraju potrebno vrijeme za izgradnju novih energetskih objekata će biti znatno kraće, postupak jednostavniji a potencijalni investitori će imati jasne informacije o dozvolama koje su im potrebne. Sve navedeno omogućit će realizaciju značajnih energetskih projekata od interesa za BiH i susjedne države kao i pristup fondovima za finansiranje energetskih infrastrukturnih projekata.

Imajući sve navedeno u vidu, predlažemo da pored preporuka, Predstavnički Dom usvoji i

ZAKLJUČAK

Na osnovu navedenog, kao i evidentnog zastoja reforme energetskog sektora, Predstavnički Dom PS BiH zadužuje Ministarstvo spoljne trgovine i ekonomskih odnosa BiH da u saradnji sa nadležnim Ministarstvima koordinira i prati implementaciju preporuka i izvještava Parlament BiH o stanju realizacije svakih 6 (šest) mjeseci.